



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU **DEMOKRATSKE NARODNE ZAJEDNICE BiH**

Broj: 03-07-6-1489/09
Sarajevo, 16.04. 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskih izvještaja Demokratske narodne zajednice BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka nije ispoštovala odredbe člana 11. stav (1) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Demokratske narodne zajednice BiH i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska narodna zajednica BiH je iskazala prihode u iznosu od 519.893,12 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	535,00	0,10%
2	Prilozi fizičkih lica	112.355,00	21,60%
3	Prilozi pravnih lica	33.800,00	6,50%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	4.140,00	0,84%
7	Prihodi iz budžeta	368.762,67	70,90%
8	Prihodi od kamata	300,45	0,06%
	Ukupni prihodi:	519.893,12	100,00%

U godišnjem finansijskom izvještaju Demokratska narodna zajednica BiH je iskazala ukupne rashode u iznosu od 603.465,69 KM.

2. PREDSTAVLJANJE POLITIČKE STRANKE

Naziv političke stranke: Demokratska narodna zajednica BiH. Skraćeni naziv je DNZ BiH.

Stranka je registrovana 16.02.1996. godine kod Višeg Suda u Mostaru pod brojem R-14/96. DNZ BiH je preregistrovana Rješenjem Općinskog suda u Sarajevu broj: 065-0-Reg-06-000508 od 16.05.2006. godine prema kome je sjedište stranke u Sarajevu, Ul. Hadži Idrizova br. 8.

Za zastupanje stranke ovlaštteni su: Rifet Dolić, predsjednik stranke, Hafeza Sabljaković, podpredsjednik stranke i Ibrahim Đedović, predsjednik Glavnog odbora.

Lice ovlašteno za podnošenje finansijskih izvještaja za 2008. godinu je Raska Ćerimović.

Organizacionu strukturu DNZ-a čine:

- Glavni ured Velika Kladuša i

- 5 nižih organizacionih dijelova odnosno ureda¹

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske narodne zajednice BiH za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Demokratska narodna zajednica BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Demokratske narodne zajednice BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode od poklona, prihode iz budžeta i troškove predizborne kampanje.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja DNZ BiH za 2006. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka. Za 2007. godinu izvršena je revizija godišnjeg finansijskog izvještaja i izdat je izvještaj sa nalazima da je stranka postupala suprotno odredbama člana 4. stav (2), člana 8. stav (1) i člana 11. stav (1) Zakona o finansiranju političkih stranaka.

Nerealizovane preporuke:

Demokratska narodna zajednica BiH nije ispoštovala date preporuke revizije u izvještaju o reviziji finansijskog izvještaja za 2007. godinu, u dijelu koji se odnosi na odredbe člana 11. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

a) Demokratska narodna zajednica BiH nije ispoštovala odredbe člana 11. stav (1) Zakona o finansiranju političkih stranaka².

Stranka u kontrolisanom periodu nije vodila adekvatne evidencije o rashodima.

¹ U okviru organizacione strukture DNZ-a egzistiraju: Ured Sarajevo, Ured Cazin, Ured Bihać, Ured Banja Luka, i Ured Zenica.

² U skladu sa odredbama člana 11. stav (1) Zakona o finansiranju političkih stranaka, politička stranka je obavezna voditi evidenciju o svojim приходima i rashodima.

- Uvidom u evidencije iz poslovnih knjiga stranke (analitičku karticu dobavljača - konto 3000), utvrđen je promet dobavljača u ukupnom iznosu od 18.607,12 KM. U godišnjem finansijskom izvještaju koji je dostavila Centralnoj izbornoj komisiji BiH, Demokratska narodna zajednica BiH je iskazala troškove u iznosu od 603.465,69 KM.
- Kontrolom troškova zakupa za poslovne prostore, utvrđeno je da stranka nije evidentirala troškove zakupa OO DNZ BiH Velika Kladuša za 7, 10, 11 i 12 mjesec 2008. godine i za OO DNZ BiH Zenica za 5. mjesec 2008. godine.

U svom knjigovodstvu stranka nije evidentirala troškove za primljene usluge i kupljene proizvode u momentu nastanka, niti je evidentirala dobavljače koji su izvršili usluge ili prodali proizvode. Na taj način stranka je propustila i evidentiranje svojih obaveza. Tek kada plati račun stranka u knjigovodstvu evidentira trošak, što je suprotno računovodstvenim propisima i odredbama člana 11. stav (1) Zakona o finansiranju političkih stranaka.

Troškovi predizborne kampanje

Demokratska narodna zajednica BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 159.017,16 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije – Demokratska narodna zajednica BiH mogla je potrošiti 352.997,10 KM.

5.2. PREPORUKE

Preporučuje se Demokratskoj narodnoj zajednici BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

Da postupa u skladu sa odredbama člana 11. stav (1) Zakona o finansiranju političkih stranaka, na način što će uspostaviti evidencije o troškovima u momentu kada je stranci pružena usluga ili prodat proizvod, bez obzira na način i rok plaćanja istih.

KOMENTAR

Demokratska narodna zajednica BiH se 12.04.2010. godine očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2008. godinu. U svom očitovanju stranka je prokomentarisala propuste date u nalazima u smislu člana 11. stav (1) Zakona o finansiranju političkih stranaka, na taj način da je svjesna propusta vezanih za ažurno knjiženje svojih obaveza prema dobavljačima, i da je u tom smislu od 01.01.2009. godine, angažovala profesionalni servis za vođenje knjigovodstva stranke.

³ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

S obzirom na to da nisu dostavljeni dokazi koji bi uticali na nalaze i mišljenje dato u Preliminarnom izvještaju o pregledu godišnjeg finansijskog izvještaja za 2008. godinu, nalazi i mišljenje koje se odnosi na član 11. stav (1) Zakona o finansiranju političkih stranaka ostaju nepromijenjeni.

Mr.Hasida Gušić, šef Službe za reviziju

Nevenko Andan, revizor

Anela Burdžović –Kapić, pomoćnik revizora